

易

經

如

話

易經如話卷之九

汪烜學

繫辭下傳

八卦成列象在其中矣因而重之爻在其中矣

夫象者像也六十四卦各有其形體則各有所像然聖人之作
易也自一奇一耦而積之三畫以成八卦斯時固未有所像也
而乾兌離震巽坎艮坤之八卦既已成列則爲天爲澤爲火爲
雷爲風爲水爲山爲地之象已有可像而卽在八卦成列之中

矣列畫非時只是奇耦迭加非有名象及夫三畫既成八
卦乃見得有至陰至陽之象爲人爲陷爲震爲止爲說之意
因之有乾坤震巽坎離艮兌之名又見得至健者天至順者地
至動者雷至善者人者見其可首水善麗者火安止者山和說者澤

於是因其所可象而八方置之爲圖圖則又見有天上地下日
東月西雷起東北風烈西南艮起西北澤生東南之意與天地
造化符合又自坤而震一陽始動極於三陽而純乾自乾而巽
一陰始生極於三陰而純坤與二氣之流行者又相符合此皆
自然之妙也八卦

成列指橫圖言也 爻者效也三百八十四爻陰陽雜居則各有

如六十四

所效然聖人之作易也各以八卦爲主而各以八卦加之
卦橫圖乾夫大有大壯小畜需大畜泰是以乾爲主而又以八卦加其上也餘放此以成六十四卦斯時

固有未所謂爻也而六十四卦既已因八卦而重之則每卦之

六位有承有乘有比有應有中
有正有不中有不正之爻各有

所效而卽在因而重之之中矣

初作六十四卦橫圖只是因而重之及夫六十四卦既成則見

每卦有六位而達貴賤乘比應之所交各有
時位不同矣因而重之指六十四卦橫圖言也

此易卦之體

而即用之所以具也

剛柔相推變在其中矣繫辭焉而命之動在其中矣

及夫揲蓍求卦則有重交單拆之變與不變而一卦可變為六

十四卦若夫以八卦相重為六十四卦之時則固未有所謂變

也然剛柔二畫周流於六位之間則或見為相錯

如乾坤順大過坎離中孚

小過入卦皆彼此相錯者或見為相綜

如屯蒙相綜需訟相綜皆一卦倒順而成二卦也

或剛上柔

下或柔上剛下

如朱子說索三十二圖卦變之法起自遯來剛來而得中隨自困噬嗑未濟來剛來而下柔來

自甘餘既濟來上而柔下之類皆是

自具彼此相推交易變易之理而蓍策之

變即在此剛柔相推之中矣

剛柔相推在區畫上已自見得而卦之有變得在蓍策上始見六

爻之用變以從時則乘承比應遠近攻取之間其所動之爻有得有失以占來物若夫未嘗揲蓍之時則卦爻具陳未嘗有所謂動也然聖人觀象而繫辭焉則預擬夫占筮之用審其如是則得而命之以吉如是則失而命之以凶如是在得失之間已可憂虞而命之以悔吝以待夫占筮之所值而卦爻之動則在此繫辭焉而命之之中而吉凶莫能外矣

聖人繫辭都是預擬

動者其得失有然此也

此卜筮之用而即體之所由顯也

吉凶悔吝者生乎動者也

凡人之靜處而未嘗應事接物也固无所爲得失憂虞則无所

爲吉凶悔吝也及一動而應事接物則吉凶悔吝皆叢集而生矣卦爻所繫有吉凶悔吝之辭然吉凶悔吝之生則必卦爻之動而始見者也

剛柔者立本者也變通者趣時者也

然吉凶悔吝之斷由動而生而所以致吉凶悔吝之故其理則有定於動之先者卦之一剛一柔各有定位卽所以立動之本

者也或自剛退而爲柔或自柔進而爲剛

此以著策九六之變言

或剛上

而柔下或柔上而剛下

此以卦爻上下互易言

一彼一此變而通之乃所

以趣動之時者也惟變以從時則所趣之時位各當有處之之

道而或當或不當由是得失見焉憂虞生焉斯動之所爲有吉有凶也矣

吉凶者貞勝者也

夫天下之理非吉則凶非凶則吉動而合於天理正之正則正乎吉而常吉稍不合於天理之正則正乎凶而常凶出此則入彼固貞相勝而不已者也

天地之道貞觀者也日月之道貞明者也天下之動貞夫一者也故法象莫大乎天地天地之道陰陽消息至變而不窮矣而其所以然者亙古此一定之運垂象以示人至正而有常貞觀者

也懸象著明莫大乎日月日月之道晝夜循環至變而不滯矣
而其所以然者亘古此有常行之度照臨於下土至正而有常
貞明者也天下之動紛紛錯綜殊塗百慮爲變尤不可勝紀而
其所以屈伸感應之理憂虞失得之機則不過順理則吉逆理
則凶亦至正而有常者耳天下之動貞夫一者也聖人之作易
亦不過發明此正而有常之理以示人而已矣

夫乾確然示人易矣夫坤隤然示人簡矣

易之有乾以象天也乾之象則純陽而至健乾之理則至易而
知大始是以靜專而一无所難動直而不可屈撓夫乾確然示

人易矣易之有坤以象地也坤之象則純陰而至順坤之理則至簡而作成物是以靜翕而一无所爲動闢而含物化光夫坤隤然示人簡矣是乾坤二卦固所以體天地之撰而示人以至正有常之道者也

隤然隤然便是貞字
示人二字便是觀字

爻也者效此者也象也者像此者也

乾坤成列而易立乎其中矣卦之六爻有奇有耦奇爻皆得之乾耦爻皆得之坤爻以效天下之動而要皆效此易簡之道者也卦之成象有消有息

息生也

陰消陽息近於乾陽消陰息趣乎

坤卦以象天下之隤而要皆象此易簡之道者也合乎易簡之

常則得而吉背乎易簡之常則失而凶矣

此即口體天下之動貞夫一之理者也

此雖未見於變占而其理則已具於八卦成列因而重之之中者也

爻象動乎內吉凶見乎外功業見乎變聖人之情見乎辭

及夫揲蓍求卦則四營成易三變成爻而口×一一之爻見三爻成八卦十有八變成六爻而一卦之全象呈奇耦互易剛柔相推皆自无而有爻象自動於蓍卦之內焉爻象既具則卦有大小材有剛柔而象之得失憂虞見時有難易位有當否而爻之得失憂虞亦見爲吉爲凶爲悔爲吝皆具於爻象而吉凶以

見於著卦之外矣

爻象是從爻據著裏變出來故曰動乎內
吉凶是在著卦上托出來故曰見乎外 方爻

象之動乎內也剛或化而柔柔或變而剛變通以趨時其變應
以赴之機自寓乎常趨常避之理而百姓日用所當爲之功業
不已見乎剛柔相推之變乎及吉凶之見乎外也聖人懼人之
不能趨也於是明言其所曰得而斷之以吉懼人之不知避也
於是明言其所以失而斷之以凶蓋明示人以趨避之途而使
人皆有以成其功業也而聖人吉凶同患之情不悉見乎繫辭
焉而命之之中乎此已見於變占而爻象之所效究不外於乾
坤易簡之理所謂天下之動貞夫一者也

天地之大德曰生聖人之大寶曰位何以守位曰人何以聚人曰財理財正辭禁民爲非曰義

是故易之爲書一天地貞觀之道也卽聖人所以體天地之道而成治天下之功業者也天地无心生物其心乾以易而知大始坤以簡而作成物是易簡之道卽天地之德而於以資始資生於不已天地之大德曰生而已

道以所行言德以所具言貞觀者天地之道如萬物並育

而不相害並育行而不相悖者是也生物者天地之德乃所源不害不悖而並育並行之故所謂小德川流大德敦化者是也

聖人備乾坤易簡之德體天地生物之心而非乘時得位則亦无以行之以成其功業之大故聖人之大寶曰位爲道之所憑

籍以行者也

此卽中庸上焉者无微不信下焉者不尊不信之意也

位非實也亦以得行

道濟民爲寶耳否則无以居位而位亦失之矣后非衆罔與守
那何以守位曰人而已人之處天地間也莫不含生而負性而
非有財川之利則无以遂其生又何以復其性乎故聖人必因
民之所利而利之所以聚斯人而不使之離散也何以聚人曰
財也顧自財利之途開而人各爭趨焉无以理之則財匱无以
教之則人不知所從无以禁之則人或起而爭奪矣故聖人爲
之制出里教樹畜以開其源食以時用以禮以節其流皆所以
理財也學校立而民知孝弟禮樂明而民敦遜讓皆所以正其

辭也

辭謂發令教誡法度之類

又恐民之犯也於是明刑以弭教出禮則入

刑所以禁民爲非也凡此皆本乎天地之道因乎事物之宜而聖人非有心也曰義而已矣此聖人之功業也易之爲用也明示人以變通正告人以得失而斷之以吉凶夫亦此理財正辭禁民爲非之志也

右第一章

古者包犧氏之王天下也仰則觀象於天俯則觀法於地觀鳥獸之文與地之宜近取諸身遠取諸物於是始作八卦以通神明之德以類萬物之情

作易始於包犧古者包犧氏之王天下也以聰明睿智之德契陰陽消息之理而以吉凶同患爲心故仰則觀象於天而得夫日月之所以升沈四時之所以代嬗俯則觀法於地而得夫山川之所以流峙陵谷之所以高深又觀之鳥獸之文而見其飛潛之各有其性毛羽之各殊其形與天地之宜而見夫寒暑之各異其時剛柔之各殊其俗且近取諸吾身而驗之而健順五常之理卽寓於視聽呼吸之間遠取諸物而徵之而小大動靜之常各具夫自然當然之則是皆不外乎一陰一陽之對待運之爲彼此消息之流行於是始作八卦以象之而得失陰陽消

息之性者則爲健爲動爲陷爲止得失陽消陰息之性者則爲
順爲入爲麗爲說而神明之德爲形而上者无不可卽象以通
之矣且夫陰消陽息之象者則爲天爲雷爲水爲山具夫陽消
陰息之象者則爲地爲風爲火爲澤而萬物之情自性而發者
又无不可卽象以類之矣而後聖之立成器以爲天下利者又
誰得而外之

王天下云者卽上章
聖人之大寶曰位也

作結繩而爲罔罟以佃以漁蓋取諸離

蓋八卦成列因而重之而所以爲天下後世法者且无窮矣卽
就包犧當日言之作結繩而爲罔罟以佃於陸而獸麗焉以漁

於水而魚麗焉蓋取諸離離之兩目相承有罔罟之象而其德爲麗則禽魚麗焉之意也

包犧氏沒神農氏作斲木爲耜揉木爲耒耒耨之利以教天下蓋取諸益

佃魚有鮮食之資而未獲粒食之養也包犧氏沒神農氏作耜五穀之足以養人而非耒耨之用則无以興其利於是斲木爲耜用之以起土揉木爲耒用之以運耜耒耨之利以教天下使天下皆知耕稼以興粒食焉蓋取諸益益之下體則震木而動於地中起土之象也益之上體則巽木而入於其下運耜之用

也合體爲益耒耨之利益莫大焉而耒耨非取象於益乎

日中爲市致天下之民聚天下之貨交易而退各得其所蓋取諸噬嗑

民知粒食而有无无以相通也神農使民於日中爲市酌遠近

以爲期會之所

五十里爲市使民可日中而至

以招致天下之民會聚天下土

方所各產之貨以其所有易其所无交易而退各得其所資之用焉蓋取諸噬嗑噬嗑之上體離也日中之象也下體震也動而交易之意也又於市而合則彼此交通矣此於非取於噬嗑者乎

神農氏沒黃帝堯舜氏作通其變使民不倦神而化之使民宜之
易窮則變變則通通則久是以自天祐之吉无不利黃帝堯舜垂
衣裳而天下治蓋取諸乾坤

顧此草昧之治隨時興事而已樸陋顓愚之民固未能鼓舞以
興事功而不忘也神農氏沒黃帝堯舜氏相繼以作乘晦冥將
變之運而疊爲制作以變而通之使民皆知所嚮慕以鼓舞相
從而不倦焉易羽皮以布帛消泛濫爲平成正名百物而民不
迷府事修和而民知勸運妙用於自然之神而民自不識不知
以與之俱化使民皆安於日用之宜而泯乎匱勉有爲之迹是

何也蓋天地生生之謂易而當夫窮極之時則必有變更之理
惟參贊之聖人能因其當變而有以變之則事物皆通達而有
可行百務通而可以推行則可以垂之久遠而不敝矣凡此皆
天道之自然當然而聖人順之而已是以自天祐之吉无不利
黃帝堯舜竭拱无爲而洪荒之天下已漸變而文明垂衣裳而
天下治蓋取諸乾坤乾坤變化而无爲有其所以妙萬物者矣
黃帝堯舜之治天下何以異此

包犧神農皆開物之事
此節以下皆變通之事

剡木爲舟剡木爲楫舟楫之利以濟不通致遠以利天下蓋取諸

渙

至若川濱之限通之爲難矣聖人爲民謀所以通之則剡木以

爲舟所以載人剡木以爲楫所以行舟

剡者剡之使中空剡者削而尖之使可刺舟

楫之利以之行於水而濟陸途之所不通蓋取諸渙渙以巽木

行於坎水之上且合體有中虛之形巽木有入水之用

中虛舟也入水

也楫而風在水上人所以利於行舟也

服牛乘馬引重致遠以利天下蓋取諸隨

道路之艱致之亦匪易矣聖人爲民謀所以致之則因牛之順

而服之

服之服一牛也服猶著也

因馬之健而乘之

乘之乘四馬也

服牛以駕大車

則可以引重而行矣乘馬以駕乘車則可以致之於遠矣

牛之

如馬而力能任重馬之力不如牛而行能至遠以此利天下而免負戴徒步之勞蓋取諸隨隨以下震能動而上兌說之且車隨牛馬以行亦隨之意也

重門擊柝以待暴客蓋取諸豫

至於民利漸興則民害又不可不防也聖人教人於內外之限則重門以守之於宵夜之時則擊柝以警之以預待夫暴客之未至先事而爲之防蓋取諸豫豫者預備之意而九四橫於內外斷晝之間亦守門之象雷出地奮卽擊柝之聲也

斷木爲杵掘地爲臼臼杵之利萬民以濟蓋取諸小過

前此雖知稼穡而粒食未能精鑿也聖人教人斷木爲杵用之以舂掘地爲臼以之受穀有杵臼之利而人享精鑿之奉萬民以濟蓋取諸小過小過下艮止曰也上震動杵也杵以震木曰因艮土也

弦木爲弧剡木爲矢弧矢之利以威天下蓋取諸睽

近之暴客有與爲守而遠人不服或不可不威也聖人於是弦木爲弧挽之以爲力剡木爲矢發之以加遠有弧矢之利而不服者則以此征之以威天下蓋取諸睽睽乖而後威以服之而弦引於內兌之附決

兌爲附決

矢發於外離之疾而有所麗也

內引外發

亦有
聯義

上古穴居而野處後世聖人易之以宮室上棟下宇以待風雨蓋
取諸大壯

上古之世冬則穴居而夏則野處而已耳无以禦風雨斯致疾

者多矣後世聖人易之以築土爲宮

以垣

構木爲室

以易

上棟

以垂其宇下宇以承於棟

棟屋脊
宇屋簷

以預待夫風雨之交侵而壯

固可恃蓋取諸大壯大壯者壯大而堅固之意且四陽以禦二

陰亦待風雨之意也

古之葬者厚衣之以薪非之中野不封不樹喪期無數後世聖人

易之以棺槨蓋取諸大過

古之葬者雖有厚死之心而未定送終之制則惟是厚衣之以

薪而葬之中野耳未知築土爲封樹之以木以加識別也哭泣

之哀任情爲厚薄已耳其喪期无有斬

三齊有三年有杖功大功五月小總月

之定數也後世聖人易之以內棺外槨而封樹以

識不忘喪期以別親疎要之皆從其厚焉蓋取諸大過大過者

過於厚之義而送死大事其過厚宜也且四陽中實以居坤體

之中亦厚葬之象也

上古結繩而治後世聖人易之以書契百官以治萬民以察蓋取

諸夫

上古文字未興其有受人之命而爲己所當爲與夫人已共爲而欲有驗於後者則皆惟結繩以識之於此時而治雖事簡民醇亦遺忘者多而不明不決矣後世聖人易之以書有文字以書於策而受命可不忘易之以契刻木符爲左右券一裁左券一裁右券

今之制如一節今之合同文書也

而彼此可相驗以此用之官府而百官之事

以无不可治以此用之於民而萬民之情以无不可察蓋取諸夬夬者明決之意且五陽盛長以決一陰亦去小人之欺而以開文明之治也凡聖人之立法制器皆不能有外於易之象者

如此而理財正辭禁民爲非之功業不卽以此興乎
何遜未報
交易舟楫

牛馬耕田宮室皆理財以聚人之事也厚葬書契皆
正辭之事也待暴客威天下皆禁民爲非之事也

右第二章

是故易者象也象也者像也

聖人制器皆尙夫象是可見立象盡意而天下之事物遂无不
可通是故易者非他卽此八卦及六十四卦之形象也象其形
而下者而形上之理卽象而寓是各可因其形之所以想像
而得之矣象也者所以想像夫天下之物理也

象者材也

聖人如文王又觀象而繫之以彖彖也者所以卽一卦之材而

斷言之也蓋卦有陰陽小大則所具之兩象

如雷風山澤之象

及卦德

如健順動止之性情卦體

合卦之兩體如師之剛中而應比之下順從及中虛爲頤頤中有物曰噬嗑之類

卦變

如震之剛來而得中升之柔以時升无妄之剛自外來而爲主於內渙之柔得位乎外而上同

皆其所具之材

材有不同而得失憂虞見矣故彖以斷言之也

爻也者效天下之動者也

周公又因卦之有六位而各繫之以爻爻也者所以因一節之變而放效乎天下事物之動以推廣言之者也蓋爻有所趣之時位則或尊或卑或中或正或不中不正或宜於剛或宜於柔

其所承所乘所比所應又各有相得不相得之異是爻之所變動又各有不同而天下事物之動可於是擬議焉得失憂虞之故備矣故爻以效言之也

是故吉凶生而悔吝著也

夫一卦之材與六爻之動固皆具於卦象所像之中是故惟審夫象之所像則材之大小動之當否皆即此已有可知其得失之明著而爲吉爲凶者固於此而生即憂虞之在心而可悔可吝者亦於此而著矣此聖人之所以因象而繫辭以示人之所趨避也

右第三章

陽卦多陰陰卦多陽

以三畫卦之象之所像言之則震坎艮皆陽卦也而震坎艮皆陰多於陽巽離兌皆陰卦也而巽離兌皆陽多於陰

其故何也陽卦奇陰卦偶

此其故何也凡陽卦一奇二耦合而數之復得五數而成奇凡陰卦二奇一耦合而數之復得四數而成耦故得奇數者陽卦

而得陰耦數者陰卦也

不言陰陽而言奇耦正以陽卦之二陰可爲四奇合一陽則五而復爲奇陰卦

之二陽只算一耦合一陰則四而復爲耦不

必爲陽卦主於一奇陰卦主於一耦之說也

其德行何也陽一君而二民君子之道也陰二君而一民小人之道也

奇耦形而下者也以象之所寓有形而上者言之其德行何也

德行精言卦德

陽君道也陰臣道也凡陽卦以一陽而統二陰仰有所

承事歸於一而无貳心是君子之道也凡陰卦以二陽而共一

陰君權分而令不可用民貳心而罔適所從是小人之道也此

其所以爲陽卦陰卦也

此亦只見得陽爲君子陰爲小人又有此理非卦象卦德之通例

右第四章

易曰憧憧往來朋從爾思子曰天下何思何慮天下同歸而殊塗

一致而百慮天下何思何慮

夫卦象陰陽各具有本然當然之理而卦爻陰陽交易亦各有自然之機故吉凶悔吝之生亦視夫屈伸感應之得失公私而已矣易咸之九四曰憧憧往來朋從爾思蓋咸者感也而九四當心之位以九居四爲非其正而下應初六則又有所私繫而非寂然不動之體矣又安能感而遂通天下之故乎蓋天下事物之理各有其當然自然而何所用吾之思更何所用吾之慮乎物宜之隨无窮而同歸於一理因物付物則其途萬殊安可膠於一定也事變之動无方而應之者一致廓然大公則智慮

百出安可據以成心也如鑑斯空妍媸畢照稍有蔽焉鑑不空矣而焉能照物也如衡斯平輕重自辨稍有累焉衡不平矣而

焉能平物也而天下何所容吾預設之思

本无是物而思設爲是物此方寂而不寂

也何所容吾將迎之慮哉

事本未來而先慮其必來此未動而先動者也

彼憧憧於往

來矣固无怪乎從之者之止於朋也

日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感而利生焉

以感應自然之理言之以日之往則有月之來以月之往則有

日之來日月遞爲相推而代明者生焉以寒之往則有暑之來以暑之往則有寒之來寒暑迭爲相推而歲功於是成焉往者非有心於往也氣機之屈而歸也來者非有心於來也氣機之來而信也蓋盈者卽缺之招而虛者卽益之本動靜无端陰陽无始一屈一信迭相感應而晦明作息時行物生之利皆自然而生焉此豈容思慮之與於其間乎

尺蠖之屈以求信也龍蛇之蟄以存身也精義入神以致用也利用安身以崇德也

推之物理无不皆然彼尺蠖之行非屈則不能伸故尺蠖之屈

言
所以求信也既信則又屈矣龍蛇之奮不蟄則不能出故龍蛇
之蟄所以存身也身存則可信矣故君子之爲學也正誼明道
而不畱一計功謀利預期其效之私焉方其窮理以致知也卽
物而精研其義以至於入神蓋入理愈深其妙愈不可測斯亦
可謂屈之至矣顧理无不明斯有以立應事之本是義之精也
正所以將出而致用也及其反躬而實踐也循理以利於日用
而身无不安蓋俯仰无慚斯无人而不自得是亦可謂信之至
矣然實有諸已卽所以全所受之天是用之利也乃所以復初
而崇德也惟內外盡交養之實斯彼此有互發之機亦莫非感

應之自然而豈容智計思慮之所能及與

過此以往未之或知也窮神知化德之盛也

精義利用而君子若將終身焉矣過此以往則无所用其力焉
而或目有所進則亦未之或知也夫用力而至於无可用力是
亦屈之至也顧由是崇德之功而德之得乎天者於以益盛則
有以窮天地存主之神而默契於心焉大理渾然而自有所爲
妙萬物者亦陰陽之合一不測矣由是致用之功而仁之見於
行者於以益熟則有以知天地流行之化而行所无事焉泛應
曲當而自有所爲協於一者亦陰陽之推行有漸矣是則其德

之盛而效有目至夫非信之至乎合觀之天地之化與君子進德之功皆一往一來有出於自然之理者如憧憧焉則人欲意

計之私而所感不已狹乎此感九四之所爲深戒也

以上四節只是一節

易曰困於石據於蒺藜入於其宮不見其妻凶子曰非所困而困焉名必辱非所據而據焉身必危既辱且危死期將至妻其可得見邪

是故吉凶悔吝之應皆視乎動作云爲之所感而非人私欲智計之所能及也易困之六三曰困於石據於蒺藜入於其宮不見其妻凶此失其所自處之所感而凶爲之應也以六居三不

中不正是以前不敵九四之剛而坐爲所困非所困而困焉不

量力也名必辱矣惡能有爲哉下則乘九二之剛而无以自安

非所據面據焉不度德也身必危矣何以居上哉

三居內既辱卦之上

且危則死期將至况上六不足以爲援也妻其可得見邪

上六亦陰

爻則不應也凡陽爻有以同德相應者陰爻則不足語此也

甚矣人之宜審所自處也

易曰公用射隼於高墉之上獲之无不利子曰隼者禽也弓矢者

器也射之者人也君子藏器於身待時而動何不利之有動而不

括是以出而有獲語成器而動者也

易解之上六曰公用射隼於高墉之上獲之无不利此能藏器

待時之所感而有解悖獲之所應也夫隼者凶擊之禽也弓矢者除害之器也除害者視乎吾之所具而有其具者視乎可用之時若夫有器可用而又能乘時致用以射之者則又存乎其人也其或反之於身本无可利用之器則或器有可用而用非可用之時斯不足以利用矣君子學問有年藏器於身有所爲可用之具矣又能外度之世待時而動吾道可行而後行之如此則何不利之有既有其具又適其時則動而不至於有所括礙是以不出則已一出而遂能有獲上六居震體之極當解卦之終可以有爲而勢无復之是以獲隼高墉而悖解矣此以語成

器而動者也

此節本精義入神
出以致用之意

子曰小人不恥不仁不畏不義不見利不勸不威不懲小懲而大誡此小人之福也易曰履校滅趾无咎此之謂也

夫以善而動則動而吉應之以惡而動則動而凶應之此感應必然之理然或動於惡者尙微而創之者已至則所謂震无咎者存乎悔是存乎有以震之矣蓋小人何知不以不仁爲恥也不知不義之可畏也惟是見利而後知勸不見利則不勸於善矣加之以威而後知懲不威則不懲於惡矣使小有所懲於初而足以大誡於後則不至有罪大惡極之凶此小人之福也易

噬嗑之初九曰履校滅趾无咎此正惡動於初而小懲大誡之
謂也

善不積不足以成名惡不積不足以滅身小人以小善爲无益而
弗爲也以小惡爲无傷而弗去也故惡積而不可揜罪大而不可
解易曰何校滅耳凶

若乃罪大惡極則豈一朝一夕之故故善足以成名而善不積
不足以成名也惡足以滅身而惡不積不足以滅身也夫小善
未必獲福自小善而積之則大善而成名矣小惡未必獲禍自
小惡而積之則大惡而身滅矣小人以小善爲无益於名而弗

爲也以小惡爲无傷於身而弗去也故惡積而至於不可掩罪大而至於不可解矣易噬嗑之上九曰何校滅耳凶非積惡何以至此

合此一節對射隼一節看彼學以
居之至而信此惡以信之至而信

子曰危者安其位者也亡者保其存者也亂者有其治者也是故君子安而不忘危存而不忘亡治而不忘亂是以身安而國家可保也易曰其亡其亡繫於苞桑

夫懲而不戒此小人之尤卽懲而後戒亦小人之事也若夫君子則常存戒懼而不敢有一念之肆焉蓋安危存亡治亂亦何常之有自以爲安則肆欲而危矣自以爲危則惕厲而安矣危

者安其位者也。自以爲存則宴安而亡矣。自慮其亡則戰兢而存矣。亡者保其存者也。自恃爲治則廢弛而亂矣。自憂其亂則勵精而治矣。亂者有其治者也。有猶字也是故君子身雖處安而心

不敢忘危。國雖奠安而心不敢忘亡。政雖治理而心不敢忘亂。是以不至於危亡之禍。身安而國家可保也。易否之九五以剛健中正之德居尊位而常否。極將泰之時。其爻辭曰其亡其亡繫於苞桑。惟其有其亡其亡之心。是以能轉否爲泰而有繫於

苞桑之固矣。

此亦屈之至而信者也

子曰德薄而位尊。知小而謀大。力小而在重。鮮不及矣。易曰鼎折

足覆公餗其形渥凶言不勝其任也

其或肆然自滿而不復知有危亡之憂則必且冒昧以處而不知讓是德薄而位尊矣惘惘以圖而不知慎智小而謀大矣悻

悻自用而不知懼力小而任重矣如是而鮮不及於禍矣易鼎

之九四以剛處柔而上陵六五柔中之君

離體九四多有上逼之嫌

下應初

六小人之侶

九四初九皆不得正

是專權自恣而任用小人之象其爻辭

曰鼎折足覆公餗其形渥凶正以言凡人之志得意滿者皆不

必其不自量度而終於不勝其任者也

此亦信之至而用者也

子曰知幾其神乎君子上交不諂下交不瀆其知幾乎幾者動之

微吉之先見者也君子見幾而作不俟終日易曰介於石不終日
貞吉介如石焉寧用終日斷可識矣君子知微知彰知柔知剛萬
夫之望

蓋凡屈信感應之一往一來皆必有其幾焉而能知幾者其必
維有以全此心之神明而不爲外物所蔽者乎幾何爲而能知
凡人動於逸豫之私則勢位之念搖其中而无以自守是以上
交必諂因勢位而求爲繫援也下交必瀆恃勢位以肆爲陵逼
也如是則溺於宴安雖禍害大於坵山而亦不之見矣君子性
分自足於外人何慕焉故能上交不諂下交不瀆外无所累而

神明自全其眞能知幾矣乎幾者事物方感之初念慮初動之微吉凶之應雖未形而吉凶所向之萌則固已先見者也惟君子此心虛明幾微畢照是以見幾而作不俟終日之後吉凶已明而後苟且圖趨避焉易豫之六二方衆皆溺於逸豫之秋而六二獨柔順中正有以自守得地道之安貞故其爻辭曰介於石不俟終日貞吉夫能自守之堅介如石焉則所謂外无所累而神明自全者矣彼夫勢位隆盛之不足恃宴安鴟毒之不可懷寧俟終日而後知之蓋禍敗危亡之幾即已伏於豫樂宴安之日有斷然其可識者矣然非君子其安能知之君子深知夫

微者之必彰也深知夫彰即微之伏也深知夫柔以自處爲後得之利也深知夫剛以有爲即牝馬之貞也此所以衆皆沈溺

而已獨超然物外爲萬夫之望也夫

知幾其神則精義入神也萬夫之望則出以致用爲

信之至者矣

子曰顏氏之子其殆庶幾乎有不善未嘗不知知之未嘗復行也易曰不遠復无祇悔元吉

由知幾之神而思之顏氏之子其殆庶幾乎蓋其資甚明而時能反身內省偶或有動於不善之幾則未嘗不自知之其力甚健而不爲私欲所累既知其爲不善則全力以克之而終身

未嘗復行所以能得善則服膺弗失而於仁則三月不違也易復之初九以剛正之資具震動之力方剝於上而遂已復於下故其辭曰不遠復无祇悔元吉斯占也其顏氏之訓乎

方動於幾卽能

克之而不行此由知之真所以能行之決未嘗復行則是能利用安身而可以入而崇德是以履之至矣

天地絪縕萬物化醇男女構精萬物化生易曰三人行則損一人一人行則得其友言致一也

蓋天地之道以兩而化以一而神惟彼此各致其純一之天則兩相與而專稍參以後起外合之私則雜而亂而天地之幾息矣以觀之天地之生物也天氣下降地氣上騰絪縕交密而萬

物之資於氣化者於以醇厚而凝聚焉夫寧或有以間之乎男
乾道也女坤道也交構其精而萬物之資於形化者於以生生
而不息焉夫豈可或有以參之乎故易損之六三損乾體上畫
之陽益坤體上畫之陰一陽上而一陰下而三四五復成坤體

其辭曰三人行則損一人

指乾之三陽而損其一人也

一人行則獲其友

指

之一陰下而合四五復成坤也

此以言用情之必當致其專一也純乎其動以

天則所謂一也何思何慮之謂也參以後起外合之私則二三

也憧憧往來之謂也

三人行則損一人以信而履也
一人行則獲其友以履而信也

子曰君子安其身而後動易其心而後語定其交而後求君子修

此三者故全也危以動則民不與也懼以語則民不應也无交而求則民不與也莫之與則傷之者至矣易曰莫益之或擊之立心勿恒凶

致一則足以感孚於人易簡之道也二三則適足以啟人之爭朋來其幸焉者矣君子之居人上也精義利用必其修於身者无不安而後動以有爲可以施之政事何思何慮必其存諸心者无不易而後發諸言語可以播之號令易知易從必其與人交者无不定而後有求於人人且恆應後志君子修此三者是立心有恒之至故得益无不全也

致一則有恒矣

若平日不能修身身

且危而不安而遽動以有爲則民必不我與也

此與字猶許也謂民心歸附於

我不能正心心且懼而多擾而以發諸言語則民必不我應也

此如言其所令反其所好而民不從藏身不恕无以交孚於民而欲有求於民則

民必不我與也

此與字如供賦稅奉公上之類

夫身居民上而民皆不附不應

不與則无以居上而傷之者至矣

此猶所謂獨夫之意

易益之上九以巽

體居益之終入之性則深求於人風之體則不恒於已求益不

已損必因之故其爻辭曰莫益之或擊之立心勿恒凶心憧憧

於利欲之私失其虛靜之天求信反以致屈是亦感應自然之

機而君子所當深戒也

右第五章

子曰乾坤其易之門邪乾陽物也坤陰物也陰陽合德而剛柔有體以體天地之撰以通神明之德

昔聖人畫卦積奇耦二畫而成乾坤而六十四卦皆莫非奇耦

二畫之相摩相盪以成象者乾奇坤耦其交易變易者所從出

之門邪蓋乾陽之純所以象陽之物也坤陰之純所以象陰之

物也

此後字蓋言象這則東而不以事物之物言

陰交於陽陽交於陰陰陽交合而

易簡之德主乎其間而於是六十四卦皆得乎乾之陽以成其剛得乎坤之陰以成其柔剛柔雜居以有其六十四卦之體而

言江子通
易經如詩
材之大小理之純雜亦無不可見焉故有以體天地間之所撰
具而雷風山澤之象與夫屯蒙需訟之體無不於剛柔有體者
形之有以通神明變化之德而健順動止之性與夫物宜典禮
之常亦無不可於陰陽合德者默會而旁通之此聖人之立象
以盡意也

其稱名也雜而不越於稽其類其衰世之意邪

至若中古聖人之繫辭也則於乾而或稱龍焉於坤而或稱牝
馬焉或於屯初而利於建侯焉或於蒙二而童蒙求我焉其稱
名也雜出而不一矣而要之則擬諸形容皆有以合天地之撰

觀其會通皆有通神明之德是莫非一陰一陽之道乾坤易簡之理之所以示人而未嘗稍有過越差繆焉予於是稽考其所以稱名雜而取類廣者則非上古淳質之時思慮所及也其於世教日衰民心滋僞之世聖人有所不得已而因之繫辭盡言以曲曉天下之人使之知所趨避也夫非衰世之意邪

夫易彰往而察來而微顯聞幽開而當名辨物正言斷辭則備矣是故夫易於陰陽消息其見於已往之迹者則卦爻之交易變易有以彰之於吉凶悔吝其隱於將來之幾者則彖象之形容擬議有以察之於民生日用爲夫婦所與知能者則卽其顯而

原諸性命以徵之於物則民彝爲人所習而不察者則因其幽而卽物窮理以闡之名分之尊卑貴賤天之所秩序也而擬諸爻位之上下則稱名當矣物類之剛柔動靜各得之性情也而準以奇耦之進退則物類辨矣事理之是非可否人多惑於疑似而觀夫爻位之當否則正言以明之事幾之得失憂虞人每難於自決而察夫占筮之所值則繫辭以斷之則天道民故之所自然當然者皆於此乎備矣

其稱名也小其取類也大其旨道其辭文其言曲而中其事肆而隱因貳以濟民行以明失得之報

是以或稱牝馬焉或稱牝牛焉或稱羝羊焉或稱羸豕焉且曰
裳曰帶曰酒食焉其稱名也甚小而要所以象物之宜明事之
變推吉凶消長之常以明乎進退存亡之道其取類固甚大也
理極於一陰一陽之與幾研乎陰陽不測之神性命之原於是
乎見焉其旨遠矣而要以顯諸日用常行取譬於目前之近幾
理皆詳明著顯无不可知者其辭固甚文也因物而賦形此其
物賦卽事以言理爲道屢遷不爲典要其言亦委曲矣然萬事
萬物本莫不各具一當然之理故其言正以曲而无不伸也此其
泛應遠无不至近无所遺微之而家人婦女之情大之而禮樂

兵刑之重其事亦甚肆矣

肆陳房之多也

然事事物物要莫不根極乎

於穆之原故其事雖甚肆而其所以然者則甚隱微矣

然言易而隱

總之因民之見理多有不明則行之每不能決有所疑貳於中

而吉凶莫知所趨避故立象以盡意繫辭以盡言以濟民行

猶言

以前以明如是則得而有吉之報如是則失而有凶之報此聖

人吉凶與民同患之心也乎

右第六章

易之興也其於中古乎作易者其有憂患乎

易之作也由來古矣而世教日衰民心日漓則易之爲用弗彰

故易之興也象爻各繫之辭以明示斯民其於中古乎上古之
世或思慮不及此也不處憂患則思慮亦或有所未周作易
之繫辭者窮理无所不至慮事无所不周其有憂患乎安樂之
時或詳審不能及此也

是故履德之基也謙德之柄也復德之本也恒德之固也損德之
修也益德之裕也困德之辨也井德之地也巽德之制也

是故處憂患之道於易備焉而非以苟免也要以反身修德於
已能不自失則禍福之來我皆有以順受其正而已吾觀易而
得九卦焉上天下澤定分秩然履示人以規矩所可循是君亲

所當踐履而以爲立德之基也以卑蘊高不自滿假謙示人以
自卑而尊人是君子所當執持而以爲操德之柄也心放則理
昏心存則理見復示人以天地之心是君子所當存省而自得
乎德之本也事之變无方理協於克一恒示人以立不易方是
君子所當自嚴而无失乎德之固也去私之力不堅存理之功
不密損示人以懲忿窒慾君子宜損之又損所以爲德之修也
問學之氣不勇性命之德不崇益示人以遷善改過君子宜益
愈求益所以爲德之裕也然不經閱歷不足以見所守之貞也
困示人以處困而事君子宜困因困窮以自驗而可更修其不足

矣是德之辨也不見諸用不足以徵所本之深也并示人以无
喪无得君子宜安所止而不移而功自有以及物矣是德之地
也而非可執一以守之也隨事順理而研極其精微然後通變
无方而神明之川出焉巽示人以先庚後庚庚更變也應事之
變也先庚三日丁
率反復以觀事理之宜後庚三日癸庚
則詳以盡虛置之方正深人之意也君子能精義以至於入
神斯庶乎權以制中而患難之至皆有以應之裕如者是德之
制也

履和而至謙尊而光復小而辨於物恒雜而不厭損先難而後易
益長裕而不設困窮而通并居其所而遷巽稱而隱

是何也天叙天秩皆自然之理

和也

而確乎不可少違

至也

履和而

至也卑以自牧无滿假之懷而人自无不心服

服其所
建之尚

謙母而

光也一念之善甚微而實天理之全於是著焉復小而辨於物

也萬物之交甚雜而所以應之者有典常焉恒雜而不厭也懲

忿望懲初出於勉強而習慣成自然

此則動心忍性之意然強
恕而行求仁莫近焉也

不先難而後易乎遷善改過日進者无疆而德性非有加

此則
增益

其所不能之意然性
分之中本自厥備也

非長裕而不設乎困剛揜而坎爲通剛中

之守非困窮而不失其所亨者乎井不改而養无窮剛中之用

非安居其所而能遷者乎无不入者夙也而婉順宜人非稱物

之宜而潛隱露者乎

風因隙而入事和宜而動然皆制變而无形者也

履以和行謙以制禮復以自知恒以一德損以遠害益以興利困以寡怨井以辨義巽以行權

故君子之自處也知履之和而至則實諸踐履以和其行凡事有所持循而立德有其基矣知謙之尊而光則斂諸存心以制其禮辭讓非爲虛文而執德有其柄矣知復小而辨於物則時時反躬察識以自見夫天地之心其知甚明而德之本寧待外求乎知恒之雜而不厭則念念卽事擴充以自守其一德之恒始終不變而德之固寧以物奪乎損先難而後易能不畏其難

以奮於克己則人欲之害日遠而德修矣益長裕而不設能勿忘勿助以敏於有事則天理之利日興而德裕矣且以觀夫困之處窮而通而因以自驗其所守則居易以俟不怨不尤後彫之德不於此辨乎以觀夫井之居所而遷而因以自考其所行

則安而能慮辨義者精安止幾康

書曰安汝止惟幾惟康言居心於至善而考夫事之幾與

事之安也

非德之地乎以觀夫巽稱而隱而因之以物付物通變无

方不見有爲之迹行之以權而不悖於經斯德之所以宰制萬物而役使羣動者乎人能反身修德以至於如此則動作皆天而又何憂患之難處邪然非聖人自以身從憂患中來則亦安

能言之密而示人之詳有如是乎

右第七章

易之爲書也不可違爲道也屢遷變動不居周流六虛上下无常
剛柔相易不可爲典要唯變所適

天下事物皆莫非陰陽交易變易之所爲而實理則貫乎其間
故易之爲書也不可須臾違者也陰陽之變无方故斯理亦无
定在其爲道也屢遷一陰一陽變動不居周流於六爻虛位之
間或柔上而剛下或剛上而柔下其變易无常也或剛退而柔
或柔進而剛其交相移易也

上下口爻位言鄭朱子卦變
之何損易即一錯一綜也皆不

可拘於一定而指爲典要惟變之所通時位不同而各具一當
然之理君子宜虛其心而深玩而身體之其可須臾離哉

其出入以度外內使知懼

夫易之時位變動不居而理之所存則莫不各有一定之法度
焉聖人立象以示人正以明其於一出入之間皆必以法度
或出而外或入而內使人知所以戒慎恐懼有以守其法度而

不至離道之遠

出入猶言動靜外卽出而動也內卽入而靜也此當以人言正如中庸存養省察之意欲人知

觀象玩辭觀變玩占也

是則聖人立象繫辭以盡意盡言之志也

又明於憂患與故无有師保如臨父母

而聖人吉凶同患之情有加无已惟恐人之罹於憂患而不知

所自慮也故又明於慮憂患之道

明者聖人明之以示人也此以既慮於憂患之地者言之

與人所以致此憂患之故

此以未至於憂患之先言求所以杜憂患之萌言之

庶乎雖无

有師保之教訓而亦常如父母之臨於其上焉然後慮憂患而

可无自失防憂患而知杜

也

其萌聖人情見乎辭尤人所當深

玩也

初率其辭而揆其方既有典常苟非其人道不虛行

故夫初學易者惟是率其所繫之辭而揆度夫其所以慮此時

此位之方則亦既有典常矣

前言不可爲典要統全易時中之道而言此言既有典常就爻之所

虛一時一然卽一時一位以求可以知其所當然而道之變易
位而言无方則未易明其所以然且知之非艱行之維艱必真知而身
體之然後道自我行是惟神明而默成其人乎苟非其人則道
體无爲固不能无所憑而虛行於天下也是存乎人之勉求而
已

右第八章

易之爲書也原始要終以爲質也六爻相雜唯其時物也

凡天下事物合而觀之有其大體者析而考之又各有其時位
之不同易之爲書也有卦有爻原夫一畫之始而要諸六畫之

終而陰陽純雜之體成以是爲兩象及卦德卦體卦變其材質

之大小於是定焉此一卦之大體也至若六位相間

位之初三
五爲陽二

四上
爲陰

而剛柔雜居以成六爻則進退各趨其時剛柔各成其物

上下无常彼此相易而位有尊卑爻有當否時有安危

位之尊卑
六爻

之上下也爻之當否如中正不中正及承乘比應之類皆是時之安危如潛見飛躍及比樂師憂屯見震雜皆是

則各

惟其時物而所以處之之道亦各有不同此六爻之分見者也

其初難知其上易知本末也初辭擬之卒成之終

六爻之初其幾雖已萌而未見其事雖將行而未成則得失爲

難知至於上爻則事行已成而是非炳著其得失有顯然易知

者初本而上末本微而末著也是故聖人之繫辭也於初爻傳
於擬議之辭以示人知擇而未敢遽斷焉及其卒也則直舉其
是非得失而斷之以成之終如坤之初六日履霜堅冰至象之
初六日發蒙利用刑人用說桎梏
以往吝師之初六日師出以律否臧內皆擬議爲兩端之辭也
坤之上六日龍戰於野其血元黃象之上九日擊蒙不利爲寇
利禦寇師之上六日大君有命開國承雖不盡然而此其大槩
家小人勿用皆卒歲之終而直斷之也

也

若夫雜物撰德辨是與非則非其中爻不備

擬之者其未定者也成之者其已定者也若夫以陰陽純駁之
物交雜迭居而剛柔中正之德各殊其撰由是而所值之時所

居之位與其所以處之之道其事幾之得失是非无可辨則
惟中四爻爲然非其中爻則所以辨其得失是非者固有不備
也

噫亦要存亡吉凶則居可知矣知者觀其彖辭則思過半矣

噫聖人之繫爻詳備如此固欲人之率其辭而揆其方以得其
典常也亦要天道之消息存亡與人事之得失吉凶則統觀一

卦六爻之雜居以成質者而已有可知矣

此觀象而自得之有
不待其彖辭者也

故智者第觀其八卦之彖辭而所以隨時處中之道應事接物

之宜无不具焉則思已過半矣

此言觀一卦之彖辭而有悟凡
焉則亦不待爻辭之詳備也

民則不能焉故聖人之言有不得不盡也

二與四同功而異位其善不同二多譽四多懼近也柔之爲道不利遠者其要无咎其用柔中也

所謂惟其時物者二與四皆陰位其以有守爲事功同而其位之遠近於君則異故其所以處之之善否亦有不同於二之辭則多譽於四之辭則多懼以四之近君故也

以六居四雖得正而又有傷主之嫌夫柔之爲道宜不利於遠者

其要无咎縱不得譽亦多无咎誠以其用之柔而得中也

失之媚故九二一則剛中不過而爲有用之才六二則柔順中正而爲貞一之守也

三與五同功而異位三多凶五多功貴賤之等也其柔危其剛勝邪

三與五皆陽位以其有爲爲事功同而其位之上下則異於三之辭則多凶於五之辭則多功蓋其所處有難易以貴賤之等有不同故也

貴則權自我操所處自裕三則下有治民之責上有事君之道故所處本危位也

然大抵

以六之柔處之則三五皆不免於危

六三則陰柔不中不正而無以處高位六五雖柔中

而有未正之悔且

又憂強臣之傾

以九之剛處之則三五皆足以勝其有爲之

實邪

九三雖過剛不中不更於危然剛正才足有爲故亦多吉辭九五則剛健中正而多吉矣

是亦不盡然

而此其繫辭之大槩也

右第九章

易之爲書也廣大悉備有天道焉有人道焉有地道焉兼三才而兩之故六六者非他也三才之道也

天下之道具於三才

天能始萬物地能生萬物人能贊天地以育萬物故并謂之才

三才之撰

別而陰陽

即如陰陽柔剛仁義之各有兩也

而道无不盡矣易之爲書也其統

會明廣大而无不包其蘊藏則悉備而无所遺有天道焉有人

道焉有地道焉八卦之三畫是也三各有兩故聖人又兼三才

而兩之故重之而每卦皆六畫焉此六畫者非他即三才之道

之所寓而成象者也

取象三才意輕只重是三才之道句

道有變動故曰爻爻有等故曰物物相雜故曰文文不當故書凶
生焉

卦有六畫而三才之道即顯於六畫之中矣而道非膠於一定
者也因時而有變動焉以其交相變動也故曰爻爻者交也

卦六畫之一畫兩言之如乾初則有潛之道乾二則有見之道
乾三則有惕之道乾四則有躍之道乾五則有乘之道乾上則
有潛不可从之道皆其隨時而有變動也而此變動之爻其所處又各有遠近貴賤

之差等其分至不齊也故曰物物猶事也

此則三才之變道之變動而數見於萬事萬物者也爻位之等所居既各有貴賤則各有其位之所當盡者如禮記所謂仁人不適乎物孝子不適乎俗也而此

等差之物又各以一剛一柔兩相間雜順理而成章也故曰文

此正三才之各有兩所以相資而為用者也此即賁卦柔得之所謂剛柔交結天

也六位成文三才之道備矣而九六七八之相推以居此六

位者則或以剛居柔以柔居剛或以剛居剛以柔居柔而爻有

當位不當位之殊則是其所以處之者於三才之道有得有失

此不當位不止謂以剛居柔以柔居剛凡承乘比應之間有處之不得其宜者皆謂之不當位也 故吉凶生焉

通章皆以六虛位言惟爻不當故吉凶內生焉二句乃合之商揚

之蓋言之蓋三才之道本无得失吉凶惟人之所以處之者得

道則吉失道則凶也而易之為書不且廣大悉備乎

右第十章

易之興也其當殷之末世周之盛德邪當文王與紂之事邪是故

其辭危危者使平易者使傾其道甚大百物不廢懼以終始其要
无咎此之謂易之道也

夫憂世憂民之志不切則其見於辭者不危以觀夫易之興而
有繫辭也其當殷之末世風俗日漓之會周之盛德而蒙大難
之日邪意者其當文王與紂之事邪蓋惟其身蒙大難故憂勤
惕厲之志愈殷而吉凶同患之情愈有所不能已是故其繫之
辭也大抵多危懼之情焉於凡卦之中有懼其不免而以危處
之者則繫以可保可安之道而使之平如訟之有孚窒惕中吉
小畜之履虎尾不咥人
平豐之勿憂宜日中
之利西南之類皆是有處於滿盈而視之忽易者則繫以戒

失或亡之幾而使之傾

如器之終傾臨之至於八月有凶无妄之匪正有眚不利有攸往皆是

蓋

滿招損謙受益時乃天道其道甚大天下之百事百物不能廢此而外之焉聖人因示人於應事接物之間皆必慎終如始常存此戒懼之心而勿失焉則庶乎可平而不至於傾雖禍患之自外至者不敢知而其在己者要可以无咎焉此之謂易之道也

右第十一章

夫乾天下之至健也德行恒易以知險夫坤天下之至順也德行恒簡以知阻

凡天下之剛者每視天下事爲无足難則悻悻以行前有險而不知斯必險陷於險矣若夫乾則天德之剛天下之至健者也健則所行本无難其德行本恒易矣

心之平易而不存險陷之私也

然非徒恃

其健也以理御物故於險之不可蹈者則必有以知之而不至

陷於險此其所以處心之恒易也

此即乾大亨而必利於正之意

比天下之柔

者每視天下事爲可无爲則昧昧以行前有阻而不見斯必困

於阻矣若夫坤則地道之柔天下之至順者也順則所行本不

煩其德行固恒簡矣

心之安靜而不爲阻塞之事也

然非徒一於順也惟理是

從故於阻之不可通者則必有以知之而不至困於阻此其所

以御事之恒簡也

此卽坤大亨而必利化馬之貞之意

能說諸心能研諸侯之慮定天下之吉凶成天下之亹亹者

惟聖人乾坤合撰易簡成德故其於寂然不動之體能與天德

有默契焉合天下事物之理皆有以說懌諸心而无所疑而及

夫物感乍交之會又能順承夫天理焉卽此念慮方動之幾必

有以研諸慮而无敢忽能說諸心則心與理融易之至矣而於

險何弗知焉吉凶有以前知无待於外也能研諸慮則理因慮

審簡之至矣

審之於幾當爲而爲何等有事

而於阻何弗知焉功業亹亹以赴

无待於强也斯所以能定天下之吉凶成天下之亹亹者矣

卽

險也天下之吉凶即知險也喪喪
即不困於阻之意此節須一氣說下

是故變化云爲吉事有祥象事知器占事知來

蓋天人一理也氣化一幾也人心有欲斯與天地不相似故吉

凶禍福之兆日接於目前而在人不能有以見之於微耳理豈

待外求哉是故天道有變化則人有云爲人事之應乎天也云

言也或曰云猶營也此只據現成說如天有晝夜人事有吉凶

則天有災祥天道之應乎人也此如國家將興必有預祥國家將亡必有妖祥之類蓋應氣感

而致祥逆氣感而致妖吉凶雖未至而朕兆以先動者也惟天有變化則人有云爲故象事

可以知器常人亦習而不察耳聖人理與心融智以藏往斯有

以備物致用立成器以爲天下利矣

器字統以制作法度言

而吉凶何不

定焉惟人有吉凶則天有災祥故占事可以知來常人亦昧而

不覺耳聖人理因慮審神以知來斯有以不待卜筮而无有遠

近幽深遂知來物矣而臺臺者何不成焉

定吉凶者前定之以理也成臺臺者即趨

吉避凶之事也

天地設位聖人成能人謀鬼謀百姓與能

夫乾示人易坤示人簡天地設位而易行乎其中矣然天地恒示人以易簡而不能必人之知險知阻惟聖人作易則象以像之爻以效之舉交易變易之理而寓之爻象之間以示人知險

阻之不可犯也非所以成天地之能乎於是易書既作而卜筮
之用興既謀之人又謀之鬼神則雖百姓之愚亦能與於知來
而趨避可不怠矣

聖人因天地之設位而成其能正衆事知羣
之事也至於人謀鬼謀百姓與能則占事可

以知
來矣

八卦以象告爻象以情言剛柔雜居而吉凶可見矣

聖人之作易也因天地之一陰一陽而畫爲奇耦因陰陽之各
生一陰一陽而自奇耦積之以成八卦又重之而爲六十四卦
所以象天地之變化以告人所謂立象以盡意也聖人猶恐飛
之未喻也則又因卦之六爻而繫之辭以效其動因卦之全體

而繫之彖以漸其材所以卽卦爻變化之情而指言之以告人

所謂繫辭以盡言也

陽柔進退皆所謂情也

自卦畫有其象爻彖有其辭

而卦爻有體剛柔雜居則消長之運進退之宜與居位之當否

其情有得失其理有吉凶皆於是乎可見矣

此正聖人所以減天地之能者也

化者天地自然之易畫卦繫辭則聖人之所云爲卦辭所以象天地之變化而卦辭皆器也此所謂象事知器

變動以利言吉凶以情遷是故愛惡相攻而吉凶生遠近相取而

悔吝生情僞相感而利害生凡易之情近而不相得則凶或害之

悔且吝

及夫用之以卜筮也方爻象之未顯而用蓍策之變動以顯之

以其无所作為而出於自然之故者言之也

利者自然之故也

及爻象

之既成也則即繫辭之吉凶以斷之因其變動所趣其情有或

得或失之故而遷變也

遷所謂易以貢

其以情遷者何方以類聚物以

羣分物情之自然是故或則愛之或則惡之有愛有惡則因以

相攻而吉凶生矣道則應之近則比之有遠有近則因以相取

而悔吝生矣其中正情也其邪妄偽也有情有偽則所感不同

而利害生矣凡陰陽變易所趣之情近而相得固其吉也若近

而不相得則凶或害之悔且吝矣凡此皆示人以知險知阻也

近字兼承比應言相得不相得即類聚羣分之意彼此皆以中正相應乃為相得有一毫不中不正不當位則非相得矣

此則百姓之所與能者也。策之變動。人之精神。所感通大謀。有吉凶。而交家之吉凶。遂定。則以應之。是吉事。有祥也。此所謂

占事

將叛者其辭慙。中心疑者其辭枝。吉人之辭寡。躁人之辭多。誣善之人其辭游。失其守者其辭屈。

即以人之辭觀之。迹雖未叛。而意實將叛者。其辭必曲。爲掩覆。而內慙所見未真。而中心疑貳者。其辭必摸。菱兩端。而枝離其。爲有德之吉人。則言不妄發。其辭必寡。其爲浮淺之躁人。則不知擇言。其辭必多。若至於誣善之人。其事既出於誣。其辭必游。移而无可據。自失其守之人。其情既失。所歸其辭必屈抑而多。

逃避卦爻之辭以情而遷亦猶是矣

此但言情既不同則辭不能不異耳

右第十二章

重訂汪子遺稿

易經如話九之四十三

山水樓藏

後學李承超重訂

後學李啟泮

李振秀

余龍光

余麗元

李際唐校正

後學李振瑜

潘鴻儀校錄

易經如話卷之九終